

澤州府志卷之十一

風俗

古風俗之美莫三代若民生其時醞釀涵濡讀蟋蟀山樞園
桃陟屺諸詩而風氣之和樂儉勤至今猶然閑閑泄泄休休
瞿瞿神遊其間親蹈堯衢矣而有不古若叫囂乎東西者乎
為我謝曰耕田而食鑿井而飲日出而作日入而息果其有
異時乎哉為之志風俗

澤州府

為之歌唐曰思深哉其有陶唐氏之遺風乎不然何憂之遠
也非令德之後誰能若是 季札觀周樂

土瘠民貧勤儉質樸憂深思遠有唐堯遺風 詩唐風注

舜禹故都在禹貢冀州雷首之北析城之西南枕河曲北涉

澤州府志 卷之十一 風俗

汾水其地陜隘而民貧俗儉有聖賢之遺風焉 魏風詩注

本唐堯所居其民陶先王遺教君子深思小人儉陋故唐詩

蟋蟀葛屨篇皆思奢儉之中 漢地理志

民重農桑性多樸直前代以來多文雅之士 隋志

忠義素稱 唐志

長平上黨人多重農桑性尤樸直蓋少輕詐太原山川重複

實一都會本雖後齊列郡人物殷阜然不甚機巧與上黨頗

同 隋史

澤州學者如牛毛野處 宋黃夷仲齋記

儉朴而敦本有唐晉之遺風 元志

人性質而好學其氣豪勁 元志

澤跨河朔隸冀南為鉅郡其民儉質而力耕有堯舜遺風十

亦劬於文學無外慕鶴翥鴻漸後先接武

張鵬學記

昔舜耕歷山陶河濱禹菲飲食惡衣服卑宮室此儉約之化於今猶存

鄭康成詩說

自堯而至於周蓋千餘年矣而其風俗流傳固結於唐人心故其民間質實勤儉之習親愛和樂之思警戒忠告之情備見於詩此其俗之所以爲厚也

安城劉氏詩說

唐俗勤儉勤者生財之道儉者用財之節聖人教人不越乎勤儉而已

豐城朱氏詩說

戰國之時秦晉之兵彎弓而帶劍馳騁上下咄嗟叱咤蜀漢之士所不能當也然而天下旣安秦晉之間豪民殺人以報仇讐椎埋發塚以快其意而不敢大變也

蘇轍蜀論

其民倜儻而無所顧負力而傲其吏吏有不善不能以有容

澤州府志

卷之十一

風俗

二

也叫號紛呶奔走告訴以爭毫釐曲直之際故夫秦晉之俗有一朝不測之怒而無終身戚戚不報之仇也

同上蘇轍論

昔人論五方之俗以山西儼伎而好氣慷慨毅武奇節之士

多出其間

唐順之序

古之帝王更都三河讀園桃園棘故其民至今憂國而忠於主有樞有榆故其民至今喜樂而愉瞿瞿休休故其民至今長慮而却顧陟岵陟屺故其民至今孝閑坎坎故其民至今力穡且葛屨見隘陘焉彼汾見貧儉焉

郭子章晉論

余又讀蘇欒城燕趙論云昔者唐室之衰燕趙之人八十年之間竭力致死不顧敗亡以抗天下之兵而以爲忠臣義士之所當然乃至宋季金人蹂躪中土流離岳武穆飛以忠義激起兩河豪傑太行梁興諸人咸聚堡揭旗輓芻響應以敗

金人其風氣猶奮忠義蓋伊古為然矣自記

表裏河山風土敦質氣稟渾厚

耕夫販婦亦耻謠詠而道文理與齊魯共為禮義之俗而加厚郝經志銘

上黨故趙之分其俗悲歌慷慨而尚氣節孔天印通志序

民性既敦麗而又有先聖之流風遺澤故習俗異于他國

民皆力耕昏作減縮衣食士亦却掃誦習不驚聲利有古隱

君子之風得宋程明道遺教陳廷敬午亭文編

鳳臺縣

近太行之麓水土深厚性質樸氣豪勁多文嫻禮衣冠為諸

郡先祝志

登太行其民勤直忠儉御史熊迥志序

澤州府志 **卷之十一** 風俗 三

人習機杼俗尚儉樸羣書備考

力勤耕種郡志

風尚少浮不失原本州志

澤州力本好義敦樸多藏號稱饒富性質豪岸少委曲重儒

術史官傅維鱗明書

高平縣

淳而好義儉而循禮勤於力田多嗜文學祝志

生齒稠密土壤豐腴舊志

四郊東務農西服賈南尚角較北安椎鑿舊稱勤儉今漸侈

靡多畏法度而少膽略至善于積聚恪于奉公又俗之良也

縣志

堯舜之畿輔河朔之襟喉明書院記

陽城縣

民被唐風故多儉樸地接舜畊故多務農境接中州故語言
辨正教崇鄒魯故士多文學通志

淳樸節儉力田務農重名節惜廉恥舊志
土瘠民儉通考

淳朴節儉盡力農桑舊志

士多廉耻之風矜名節惜行檢民尚節儉近雖少奢猶未失
古意通志

陵川縣

質樸樂于趨善喪祭不用浮屠祝志

務本富耕鑿食力無他奇淫薰染舊志

君子守禮勤儉小人盡力耕織婦女不街遊入城不馳驟縣志

澤州府志

卷之十一 風俗

沁水縣

廉儉尚義悃悞無華祝志

砦窳寡積聚舊志

士勤誦讀女多紡織力田服賈邑無遊民縣志

居唐魏之間亟耕桑務儉約王紀論

士夫居鄉樸直民耻淫盜少爭訟房地屢世不相棄敬神信
巫有不平必質之神故鄉多廟祀醮賽紛舉舊志

風土歲時記

國奢則示之以儉國儉則示之以禮風教者於此有微權歲時用禮俗尚因之從同而異亦隨風土備志之凡以觀風俗之美惡焉

元旦長幼夙興焚桑名曰正火設牲醴糗糒祀神祭先拜尊長戚里相福飲食讌會數日始定

立春茹蘿葡萄麵餅名曰咬春

人日夜初分各然燈熟糗米祀斗祈福

縣各不同日

上元設脯糗果醴懸燈於門外列爐焰名曰人火有範土像人物者中空吐焰光彩騰灼鼓吹喧闐士女踏燈嬉游丙夜卽曲坊隘巷亦暖如春融溶鐵汁高灑散星點成虹迸落空中火樹銀花炫照都市自十四日起曰試燈至十六日止

澤州府志

卷之十一 風土

五

十六日鄉城男女擁趨厲壇以艾灸栢樹祈祛疾今易爲先農壇貨農器成市高平則趨金峯山灸石佛

上元前後三日中於城外曠地結草爲闌方十丈許中曲折通行路是夕持燈遊行謂之走百病

清明前數日攜楮帛酒榼拜掃墳墓踏青遊賞都於是時是日婦女以描金勝子貼髻名柳葉符郡守朱鹿田詩擺街女踏秋千鐙上塚人簪楊柳符謂此

春前鄉鎮悉於小析山湯王館前池中取水合鄉旗導瓶貯捧歸舊取水仍傾池名曰換水祈一年嘉潤也

端午泛蒲觴巽雄黃酒背繫續命縷角黍交餽亦有延客解纓者男女問名過壻家製蒲艾花朵及纓餌爲餉遺

六月六日家家祀山神相傳神卽射日之羿以開門卽山祀

以辟虎狼

七夕女子設瓜果於庭祭天孫織女乞巧

中元祭掃如清明節俱以麻穀掛墓前卷紙如帛焚之

中秋戚友以果餅相餽贈月下會聚鬪瓜陳果

重陽飲菊酒挿茱萸登高野讌

十月一日楮帛象金冥衣羹飯祀祖日送寒衣

冬至日同

十二月五日和煮稻黍果豆爲粥日五豆粥八日煮之日臘

八

二十四日掃舍字暮設果糈飴糖祀竈有用二十三日者

除夕更桃符易門神互相饋歲設庭燎焚蒼术士夫間行小

集守歲爆竹辟邪是日婚娶不擇吉謂之亂歲日

澤州府志

卷之十一 風土

六

禮俗

婚禮問名納采請期民間通用惟納吉納徵親迎則士夫行之舊志載行禮每較厚薄至親迎又擇年貌相若者飾之偕行名曰陪壻甚俚誕近稍革除矣

喪禮俗尙侈靡又多泥陰陽之說淹柩不葬自含殮以至下窆品物芻靈窮極華炫民間初喪鼓吹延六七日不絕聲積習難反陶知州自悅依紳庶名分次第酌定喪儀限期葬葬俗尙少減

祭禮士大夫家設木主立祠堂墓祭各有其時惟吉祭亦必於墓

朝賀耕藉及祀典迎春鄉飲具載會典

冠禮久不行

雍正十二年奉 大中丞覺羅石公嚴禁初喪鼓樂現在刊
示奉行

卷之十一終

澤州府志

卷之十一

風土

七